

# איכה *Lamentations*

## א 1

- א 1 איכה ישבה בדד העיר רבתי עם היתה כאלמנה  
רבתי בגוים שרתי במדינות היתה למס:  
ב 2 בכו תבכה בלילה ודמעתי על לחיה אין-לה  
מנחם מכל-אהביה כל-רעיה בגדו בה היו לה  
לאיבים:  
ג 3 גלתה יהודה מעני ומרב עבדה היא ישבה בגוים  
לא מצאה מנוח כל-רדפיה השיגוה בין המצרים:  
ד 4 דרכי ציון אבלות מבלי באי מועד כל-שעריה  
שוממין כהניה נאנחים בתולתיה נוגות והיא  
מר-לה:  
ה 5 היו צריה לראש איביה שלו כי-יהוה הוגה על  
רב-פשעיה עולליה הלכו שבי לפני-צר:  
ו 6 ויצא מן בת-ציון כל-הדרה היו שריה כאילים  
לא-מצאו מרעה וילכו בלא-כח לפני רודף:  
ז 7 זכרה ירושלם ימי עניה ומרודיה כל מחמדיה  
אשר היו מימי קדם בנפל עמה ביד-צר ואין  
עוזר לה ראוה צרים שחקו על משבתה:  
ח 8 חטא חטאה ירושלם על-כן לנידה היתה  
כל-מכבדיה הזילוה כי-ראו ערותה גם-היא  
נאנחה ותשב אחור:  
ט 9 טמאתה בשוליה לא זכרה אחריתה ותרד פלאים  
אין מנחם לה ראה יהוה את-עניי כי הגדיל  
אויב:  
י 10 ידו פרש צר על כל-מחמדיה כי-ראתה גוים באו  
מקדשה אשר צויתה לא-יבאו בקהל לך:  
יא 11 כל-עמה נאנחים מבקשים לחם נתנו מחמודיהם  
באכל להשיב נפש ראה יהוה והביטה כי הייתי  
זוללה:

לוא אליכם כל-עברי דרך הביטו וראו אם-יש  
מכאוב כמכאבי אשר עולל לי אשר הוגה יהוה  
ביום חרון אפו:

- 13 יג ממרום שלח-אש בעצמתי וירדנה פרש רשת לרגלי  
השיבני אחור נתנני שממה כל-היום דוה:  
14 יד נשקד על פשעי בידו ישתרגו עלו על-צוארי  
הכשיל כחי נתנני אדני בידי לא-אוכל קום:  
15 טו סלה כל-אבירי אדני בקרבי קרא עלי מועד  
לשבר בחורי גת דרך אדני לבתולת בת-יהודה:  
16 טז על-אלה אני בוכיה עיני עיני ירדה מים  
כי-רחק ממני מנחם משיב נפשי היו בני  
שוממים כי גבר אויב:  
17 יז פרשה ציון בידיה אין מנחם לה צוה יהוה  
ליעקב סביביו צריו היתה ירושלם לנדה  
ביניהם:  
18 יח צדיק הוא יהוה כי פיהו מריתי שמעו-נא  
כל-עמים וראו מכאבי בתולתי ובחורי הלכו  
בשבי:  
19 יט קראתי למאהבי המה רמוני כהני וזקני בעיר  
גועו כי-בקשו אכל למו וישיבו את-נפשם:  
20 כ ראה יהוה כי-צר-לי מעי חמרמרו נהפך לבי  
בקרבי כי מרו מריתי מחוץ שכלה-חרב בבית  
כמות:  
21 כא שמעו כי נאנחה אני אין מנחם לי כל-איבי  
שמעו רעתי ששו כי אתה עשית הבאת יום-קראת  
ויהיו כמוני:  
22 כב תבא כל-רעתם לפניך ועולל למו כאשר עוללת  
לי על כל-פשעי כי-רבות אנחתי ולבי דוי:

## 2 ב

- 1 א איכה יעיב באפו אדני את-בת-ציון השליך  
משמים ארץ תפארת ישראל ולא-זכר הדם-רגליו  
ביום אפו:

- ב 2 בלע אדני לא חמל את כל-נאות יעקב הרס  
בעברתו מבצרי בת-יהודה הגיע לארץ חלל  
ממלכה ושריה:
- ג 3 גדע בחר-אף כל קרן ישראל השיב אחור ימינו  
מפני אויב ויבער ביעקב כאש להבה אכלה  
סביב:
- ד 4 דרך קשתו כאויב נצב ימינו כצר ויהרג כל  
מחמדי-עין באהל בת-ציון שפך כאש חמתו:
- ה 5 היה אדני כאויב בלע ישראל בלע כל-ארמנותיה  
שחת מבצרי וירב בבת-יהודה תאניה ואניה:  
ויחמס כגן שכו שחת מועדו שכח יהוה בציון  
מועד ושבת וינאץ בזעם-אפו מלך וכהן:
- ו 6 זנח אדני מזבחו נאר מקדשו הסגיר ביד-אויב  
חומת ארמנותיה קול נתנו בבית-יהוה כיום  
מועד:
- ז 7 חשב יהוה להשחית חומת בת-ציון נטה קו  
לא-השיב ידו מבלע ויאבל-חל וחומה יחדו  
אמללו:
- ח 8 טבעו בארץ שעריה אבד ושבר בריחיה מלכה  
ושריה בגוים אין תורה גם-נביאיה לא-מצאו  
חזון מיהוה:
- ט 9 ישבו לארץ ידמו זקני בת-ציון העלו עפר  
על-ראשם חגרו שקים הורידו לארץ ראשן בתולת  
ירושלם:
- י 10 כלו בדמעות עיני חמרמרו מעי נשפך לארץ  
כבדי על-שבר בת-עמי בעטף עוללל ויונק  
ברחבות קריה:
- יא 12 לאמתם יאמרו איה דגן ויין בהתעטפם כחלל  
ברחבות עיר בהשתפך נפשם אל-חיק אמתם:
- יב 13 מה-אעידך מה אדמה-לך הבת ירושלם מה  
אשוה-לך ואנחמך בתולת בת-ציון כי-גדול כים  
שברך מי ירפא-לך:
- יד 14 נביאיך חזו לך שוא ותפל ולא-גלו על-עונך

להשיב שביתך ויחזו לך משאות שוא ומדוחים:

15 טו ספקו עליך כפים כל-עברי דרך שרקו וינעו  
ראשם על-בת ירושלם הזאת העיר שיאמרו כלילת  
יפי משוש לכל-הארץ:

16 טז פצו עליך פיהם כל-אויביך שרקו ויחרקו-שן  
אמרו בלענו אך זה היום שקוינהו מצאנו  
ראינו:

17 יז עשה יהוה אשר זמם בצע אמרתו אשר צוה  
מימי-קדם הרס ולא חמל וישמח עליך אויב  
הרים קרן צריך:

18 יח צעק לבם אל-אדני חומת בת-ציון הורידו כנחל  
דמעה יומם ולילה אל-תתני פוגת לך אל-תדם  
בת-עינך:

19 יט קומי רני בליל לראש אשמרות שפכי כמים לבך  
נכח פני אדני שאי אליו כפיך על-נפש עולליך  
העטופים ברעב בראש כל-חוצות:

20 כ ראה יהוה והביטה למי עוללת כה אם-תאכלנה  
נשים פרים עללי טפחים אם-יהרג במקדש אדני  
כהן ונביא:

21 כא שכבו לארץ חוצות נער וזקן בתולתי ובחורי  
נפלו בחרב הרגת ביום אפך טבחת לא חמלת:

22 כב תקרא כיום מועד מגורי מסביב ולא היה ביום  
אף-יהוה פליט ושריד אשר-טפחתי ורביתי איבי  
כלם:

### 3 ג

1 א אני הגבר ראה עני בשבט עברתו:

2 ב אותי נהג וילך חשך ולא-אור:

3 ג אך בי ישב יהפך ידו כל-היום:

4 ד בלה בשרי ועורי שבר עצמותי:

5 ה בנה עלי ויקף ראש ותלאה:

6 ו במחשכים הושיבני כמתי עולם:

7 ז גדר בעדי ולא אצא הכביד נחשתי:

- 8 ח גם כי אזעק ואשוע שתם תפלתי:
- 9 ט גדר דרכי בגזית נתיבתי עוה:
- 10 י דב ארב הוא לי אריה במסתרים:
- 11 יא דרכי סורר ויפשחני שמני שמם:
- 12 יב דרך קשתו ויציבני כמטרא לחץ:
- 13 יג הביא בכליותי בני אשפתו:
- 14 יד הייתי שחק לכל-עמי נגינתם כל-היום:
- 15 טו השביעני במרורים הרוני לענה:
- 16 טז ויגרס בחצץ שני הכפישני באפר:
- 17 יז ותזנח משלום נפשי נשיתי טובה:
- 18 יח ואמר אבד נצחי ותוחלתי מיהוה:
- 19 יט זכר-עניי ומרודי לענה וראש:
- 20 כ זכור תזכור ותשיח עלי נפשי:
- 21 כא זאת אשיב אל-לבי על-כן אוחיל:
- 22 כב חסדי יהוה כי לא-תמנו כי לא-כלו רחמיו:
- 23 כג חדשים לבקרים רבה אמונתך:
- 24 כד חלקי יהוה אמרה נפשי על-כן אוחיל לו:
- 25 כה טוב יהוה לקוו לנפש תדרשנו:
- 26 כו טוב ויחיל ודומם לתשועת יהוה:
- 27 כז טוב לגבר כי-ישא על בנעוריו:
- 28 כח ישב בדד וידם כי נטל עליו:
- 29 כט יתן בעפר פיהו אולי יש תקוה:
- 30 ל יתן למכהו לחי ישבע בחרפה:
- 31 לא כי לא יזנח לעולם אדני:
- 32 לב כי אם-הוגה ורחם כרב חסדו:
- 33 לג כי לא ענה מלבו ויגה בני-איש:
- 34 לד לדכא תחת רגליו כל אסירי ארץ:
- 35 לה להטות משפט-גבר נגד פני עליון:
- 36 לו לעות אדם בריבו אדני לא ראה:
- 37 לז מי זה אמר ותהי אדני לא צוה:
- 38 לח מפי עליון לא תצא הרעות והטוב:
- 39 לט מה-יתאונן אדם חי גבר על-חטאו:
- 40 מ נחפשה דרכינו ונחקרה ונשובה עד-יהוה:
- 41 מא

- נשא לבבנו אל-כפים אל-אל בשמים:
- 42 מב נחנו פשענו ומרינו אתה לא סלחת:
- 43 מג סכתה באף ותרדפנו הרגת לא חמלת:
- 44 מד סכותה בענן לך מעבור תפלה:
- 45 מה סחי ומאוס תשימנו בקרב העמים:
- 46 מו פצו עלינו פיהם כל-איבינו:
- 47 מז פחד ופחת היה לנו השאת והשבר:
- 48 מח פלגי-מים תרד עיני על-שבר בת-עמי:
- 49 מט עיני נגרה ולא תדמה מאין הפגות:
- 50 נ עד-ישקיף וירא יהוה משמים:
- 51 נא עיני עוללה לנפשי מכל בנות עירי:
- 52 נב צוד צדוני כצפור איבי חנם:
- 53 נג צמתו בבור חיי וידו-אבן בי:
- 54 נד צפו-מים על-ראשי אמרתי נגזרתי:
- 55 נה קראתי שמך יהוה מבור תחתיות:
- 56 נו קולי שמעת אל-תעלם אזנך לרוחתי לשועתי:
- 57 נז קרבת ביום אקראך אמרת אל-תירא:
- 58 נח רבת אדני ריבי נפשי גאלת חיי:
- 59 נט ראיתה יהוה עותתי שפטה משפטי:
- 60 ס ראיתה כל-נקמתם כל-מחשבתם לי:
- 61 סא שמעת חרפתם יהוה כל-מחשבתם עלי:
- 62 סב שפתי קמי והגיונם עלי כל-היום:
- 63 סג שבתם וקימתם הביטה אני מנגינתם:
- 64 סד תשיב להם גמול יהוה כמעשה ידיהם:
- 65 סה תתן להם מגנת-לב תאלתך להם:
- 66 סו תרדף באף ותשמידם מתחת שמי יהוה:

## 4 ז

- 1 א איכה יועם זהב ישנא הכתם הטוב תשתפכנה  
אבני-קדש בראש כל-חוצות:
- 2 ב בני ציון היקרים המסלאים בפז איכה נחשבו  
לנבלי-חרש מעשה ידי יוצר:
- 3 ג גם-תנין חלצו שד היניקו גוריהן בת-עמי

- לאכזר כי ענים במדבר:
- ד 4 דבק לשון יונק אל-חכו בצמא עוללים שאלו  
לחם פרש אין להם:
- ה 5 האכלים למעדנים נשמו בחוצות האמנים עלי  
תולע חבקו אשפתות:
- ו 6 ויגדל עון בת-עמי מחטאת סדם ההפוכה  
כמו-רגע ולא-חלו בה ידיים:
- ז 7 זכו נזיריה משלג צחו מחלב אדמו עצם  
מפנינים ספיר גזרתם:
- ח 8 חשך משחור תארם לא נכרו בחוצות צפד עורם  
על-עצמם יבש היה כעץ:
- ט 9 טובים היו חללי-חרב מחללי רעב שהם יזובו  
מדקרים מתנובת שדי:
- י 10 ידי נשים רחמניות בשלו ילדיהן היו לברות  
למו בשבר בת-עמי:
- יא 11 כלה יהוה את-חמתו שפך חרון אפו ויצת-אש  
בציון ותאכל יסודתיה:
- יב 12 לא האמינו מלכי-ארץ וכל ישבי תבל כי יבא  
צר ואויב בשערי ירושלם:
- יג 13 מחטאת נביאיה עונות כהניה השפכים בקרבה דם  
צדיקים:
- יד 14 נעו עורים בחוצות נגאלו בדם בלא יוכלו  
יגעו בלבשיהם:
- טו 15 סורו טמא קראו למו סורו סורו אל-תגעו כי  
נצו גם-נעו אמרו בגוים לא יוסיפו לגור:
- טז 16 פני יהוה חלקם לא יוסיף להביטם פני כהנים  
לא נשאו זקנים לא חננו:
- יז 17 עודינה תכלינה עינינו אל-עזרתנו הבל  
בצפיתנו צפינו אל-גוי לא יושע:
- יח 18 צדו צעדינו מלכת ברחבתינו קרב קצינו מלאו  
ימינו כי-בא קצינו:
- יט 19 קלים היו רדפינו מנשרי שמים על-ההרים  
דלקנו במדבר ארבו לנו:

רוח אפינו משיח יהוה נלכד בשחיתותם אשר  
אמרנו בצלו נחיה בגוים:

21 כא שישי ושמחי בת-אדום יושבתי בארץ עוץ  
גם-עליך תעבר-כוס תשכרי ותתערי:

22 כב תם-עונך בת-ציון לא יוסיף להגלותך פקד  
עונך בת-אדום גלה על-חטאתיך:

## ה 5

- 1 א זכר יהוה מה-היה לנו הביט וראה את-חרפתנו:  
2 ב נחלתנו נהפכה לזרים בתינו לנכרים:  
3 ג יתומים היינו אין אב אמתינו כאלמנות:  
4 ד מימינו בכסף שתינו עצינו במחיר יבאו:  
5 ה על צוארנו נרדפנו יגענו לא הונח-לנו:  
6 ו מצרים נתנו יד אשור לשבע לחם:  
7 ז אבתינו חטאו אינם אנחנו עונתיהם סבלנו:  
8 ח עבדים משלו בנו פרק אין מידם:  
9 ט בנפשנו נביא לחמנו מפני חרב המדבר:  
10 י עורנו כתנור נכמרו מפני זלעפות רעב:  
11 יא נשים בציון ענו בתלת בערי יהודה:  
12 יב שרים בידם נתלו פני זקנים לא נהדרו:  
13 יג בחורים טחון נשאו ונערים בעץ כשלו:  
14 יד זקנים משער שבתו בחורים מנגינתם:  
15 טו שבת משוש לבנו נהפך לאבל מחלנו:  
16 טז נפלה עטרת ראשנו אוי-נא לנו כי חטאנו:  
17 יז על-זה היה דוה לבנו על-אלה חשכו עינינו:  
18 יח על הר-ציון ששמם שועלים הלכו-בו:  
19 יט אתה יהוה לעולם תשב כסאך לדר ודור:  
20 כ למה לנצח תשכחנו תעזבנו לארך ימים:  
21 כא השיבנו יהוה אליך ונשוב חדש ימינו כקדם:  
22 כב כי אם-מאס מאסתנו קצפת עלינו עד-מאד: